

924  
811  
2, 26

孫靜齋

可學以平結  
順德

國

學

萃

編

善翁吳仲梅



捐助社費 芳名以收到先後為序定章助十元以上自第一期起永遠送閱

章筱陸先生助洋拾元

著涪吟社第六十課題目

瞿園值課

詩題 睡獅 大人作一首不拘體韻

詩鐘題 可 園 魁斗格 集上句第一字嵌可字下句第七字嵌園字限集歸去來辭字禁兩字連用

限五月初十截卷外埠展限半月卷交北京香爐營頭條胡同國學萃編

發行所童君補蘿代收

加課題目 為泗洲孝淑沈孺人萬氏徵詩 附小啟 照來稿代刊

蓋聞扶輿清淑之氣鍾於閨閣服勞奉養之孝篤於彝倫是以邨風管燁讀  
靜女而斷章漢史肉刑哀孝媛而刪律如 沈君德配萬孺人者孝德懿行  
良可風焉 孺人生自皖江曾割股以療親來歸名門復竭力以事上勗夫  
成負笈之志操行抱仗劍之風禮儀為中表所則壺範乃鄰里所欽纔幸弄

璋違歌薤露玉釵敲斷鳳凰不飛壞裙成灰蝴蝶欲舞而今已矣豈不傷哉  
賢淑之行逸徵未彰懿孝之情表揚斯盛是望 聞苑文豪 金閨女士錫  
以銘誄播諸文詞增歌詠於人寰慰賢孝於泉下行見明璫翠羽靈旗捲風  
雨而來歆孤詣苦心懿德藉傳雲而益麗 淮水蓮中人王鳳梧謹啓

限五月十五前京外一律截止贈彩格外從豐卷寄揚州寶應縣小南門

沈公館收入以便取選彙刊成册

加課題目 微題濯足萬里流圖 附小引

吳夢蘭 童補羅 代求

僕也幼而失學壯不如人大地昏昏時乎若夢舉世濁濁誰云獨清嗟我命  
之不辰愧所生其斯忝網維欲墜悲大道之云亡邪說橫行歎斯文之將喪  
天涯莽莽鮮一坏軋淨土以容身塵海茫茫假萬里清流以濯足從比天邊

野鶴己難世網之羅江上開 樂居水雲之窟將訪 成蓮於海上問 馮夷於  
瀛瀛矣愛作斯圖用寄襟抱 還希 大筆龍錫 瑤童 泗淵閣主 胡蓮山 啟

限五月十五京外一律截止卷交國學萃編社代收

蓋水碧金膏非兀席之玩醴泉玉燭無時日之期物有脆而始貞人有壽而  
非福若夫百年之志空壯于逝川七尺之形遽從于短夜秀而不實昔歎顏  
生死而可求今同戴子長沙文生余君佐卿湘州之英彥也年未及仕展也  
大成織綜九流目營四海雖在閭巷名動侯王嘗遊京師臨碣石與清流論  
賦否對宿將談兵謀張曾諸公贊而異之志大才高忽然不樂言還閉戶思  
從鄉舉覃精伏案誦同學科舉之文余嘗過焉嗒然據梧不知披帷之有人  
也將及秋試遽嬰時疹寢疾兼旬溢為委蛻年甫廿有六於乎哀哉天與其  
才不與其命達于九州之外而槁于一卷之內昔賈誼告終京師而論者猶  
咎漢帝管輅知命洛令而止始尚獲秀才君之早夭謂之何哉意者全其令  
名以彰其琛貴不然何其酷也修學于二紀顯聞于八年舊交宿名不無舛  
望猶率行孤意不能獻酬羣心州之人又以其私好余詩疑為相黨然君懲  
余之激昂而人被君以輕淺優劣之際終莫能明至于密室盡言臨牀親訣

既獨承于眷私故每言而嗚咽未敢諡之乃爲誄曰  
朗朗若士湘上之華族光清秦業顯存吾生也不遇死而後嗟聞子初衿陳  
周與遊恂恂帖括黯黯潛修翕然時譽望子瀛洲余之邁君子侯之門謁裘  
玉立舒輓蘭薰彼美無度相逢日親夙有奇篇激揚忠孝乃捐故情以從吾  
好醞旨如醇沈思必妙余非皇甫君非周處盛名響臻如項霸楚直置青霄  
從容玉塵嗟名之來固身之灾在道彌斂任情則恢縱橫一室殉皇九垓時  
無仲尼狂狷裁之前達借論音聲相隨昔金未躍今劍思飛衡門不樵遊以  
寫憂來傾高李北友張周况有都護辟之參謀素節猶堅海崖自返壯志不  
讐毛錐弗選聞雞夜興揮鷲日遠李廣後時馮唐方少羣帥釋兵公車哂調  
萬里空遊一琴自嘯鍊剛繞指神工是使屈柳爲杯人性難諧嗟乎佐卿再  
別而唉胡時之能疾憂心孔棘不知我者謂我罔極羣書在帷一燈營室衆  
毀莫聞郭王孔云親承後命歎息時人請德難保勗以日新褰簾轉管初驚

縣愷移晷之談精明朝徹於乎遂死信神不滅天固有期壽亦難知既有令  
名又負羣疵忽焉翩然以謝世疑志大宇宙如何能究名者實實來世弗又  
旌子之能傷其獨秀兩賢不并羣雄必競及死而悲得君難更余豈避嫌少  
排譏評於乎佐卿逝矣無憾青山之林童遊是蔭撫慧思賢停雲怨暗於乎  
哀哉

巫山神女廟碑

前人

禮記祀典祠出雲雨之山天子秩之諸侯望焉巫山自夏氏孟涂已來傳祀  
帝女瑤姬未知何代帝也有楚貞臣屈平始巫言巫咸其弟子宋玉乃賦巫  
山山之名巫蓋咸所祀祀殷人重巫周人貴易記曰示不敢專以尊天也巫  
易于後世當諫臣謀議之職天子有事必進斷焉非復禳祝奉祠之流楚之  
先爲文王師與隗同祖隗即變也芊能蓋傳巫咸之德音故文王受業焉三  
代之道于是乎在帝女巫山又在其先稽古神仕在女曰巫周巫以男襲同

女號非正典也帝女聖神通靈彰彰無疑豈夫仙人羽化之流與巫之所以必取女者蓋以妃后深尻尤好禱問設官專典然後巫蠱之禍無由而作左氏壯生具言聖人主山川姓名備有典記自秦以來絕不復傳生巫死神後人惑之而宋玉之賦有高唐神女小儒俗吏不通天人罔識神女主山之由莫察詩人託諭之心苟見奇異肆爲詆譏山靈清嚴固不降懲然不正其義而欲守土之虔祀弗可得已往者常說朝雲之事其必曰王因幸之者託先王后長子孫之義以譏楚後王棄先君之宗廟去故都遠變巫而樂郢陳將不保其妻子使巫山之女爲高唐之客高唐齊地朝暮雲散失齊之援見困于秦至後作神女賦則不及山川專以女喻賢人屈子之徒義各有取比與意顯今巫山縣東神女祠在筵篔山下山在祠東將五十里今城卽漢巫故治水經注言鹽水在縣東巫山又在其東青石洞有天星諸峰魁秀十二而祠宜近民附郭是宜先後帥守未嘗窮至康熙中故尙書王士正奉使告江

弭楫祠下徒歎其茅茨土垣顧莫能釐俗謬昔唐尙書白居易刺忠州時過祠悉除詩牌亦若有悟而未聞所以正之今年春雨澤小愆縣令許堯文禱其望之山應時甘澍迺具財用將新神祠閣運還舟沂峽謁夔守黃毓恩言高唐二賦之意黃守躋焉且曰此牧令所以正祀典定民志祈福祥之大者也因備釋宋玉二賦以諗學士而述巫之義序之祠碑係以銘焉其詞曰於穆瑤姬靈媿媧皇受命主巫尻山之陽匡飾異俗川德彌章祀隆夏周代遭虞唐遐哉邈乎不可得詳咸亦氏巫忠貞景行芊熊繼紹崇茲廟堂神明所作遐邇肅莊除疑定法蠱禍不揚遭秦暴蔑祀事久荒肅肅靈所寂寂聲香闕值其神以俟姬姜維 清有九攝提御衡太嶽之裔爰作巫長稽古秩望虔恭用將選材繕室立闕四方巍峨篔篹禋祀復肅肅時雨若神應如響穀我士民思躋用光上攷虞法瞻言楚疆江流湯湯石林茫茫孔靜幽昭對越靈祥

永興教官賀君墓表

道光中海內顯尚儒業湘桂人士道鄙承者莫不稱賀氏三鳳君其伯也父諱朝坊丁酉拔貢生夙有文名子廷鑾逾一科復充選貢朝考一等官京縣有政聲咸豐八年擢令大興典供京闈而君舉于南上都曾試奉父就養朝士榮之君諱廷欽字寅臣清泉人也能文謙讓邃遠色養仲也開敏博識多通庭戶儒素詩書琴几楹題有荆樹弟兄子孫硯田之句俗吏塵客見之灑然東南兵寇俱還舊廬及傾乾蔭頽然遂老而講誦不輟鄉鄰彌恭布衣徒步望知耆宿性不耐雜故以教官注選借補醴陵訓導喪終復補永興從容善誘語人恐傷篤于友于型其子姓同治中子及從子復同升學世澤相承君之教也年六十有八光緒十一年三月甲子終于學舍便縣久荒今茲復盛家傳漢學邑有聞人君不自功人知所鄉長沙弟子千里誄銘于是孤子仁源以爲慕揭悲思碑鐫德行孰是醇懿而可弗彰乃伐石祁陽表睹原

道其銘曰

慶世習禮鄒宗起蔚三彥一苗兩鳳摩霄仲跪其驥伯也還肄執其丹黍嗣予青佩疇儒不貧不仁既仁且壽以勸後昆

龍中允妻熊氏墓表

前人

恭人熊氏諱小珠善化人也年二十有三歸于攸龍氏夫曰淇霖以進士官詹事府中允加級封恭人父諱大淦隱德弗曜母畢氏長沙名族少失慈蔭與龍舊姻侍姑戴夫人爲母員來之際三歲食貧箕帚澣紉唯躬憔悴承事婉婉如影隨形及兄公宦成家門隆富夫登侍從翔翥紫微思媚尊慈弗妯燕逸年過三十但存弱女脫簪爲娉衣帛藜藿二妯諸子長成各當授室姑閱其夙夜恤其勞變固命携妾聽漏京師若嬰兒之免母懷眷然不知其榮樂也既行之後姑亦忽忽如有所忘戚鄰見知者乃咸服稱其順孝矣 今皇四載國多溫疹夫疾維幾既窮醫禱職而有間恭人暴卒同官命婦扶服

實錄卷之四  
豐源印書局承印

救喪或見其體青篋餘和鳩疑其代死信爲烈婦已而中允日差始聞其說  
噉然哭曰是或請代余其不忍先余死也知婦唯夫割情從禮然誠通神佑  
非恭人其孰能孚之其卒之日則四年四月丙午也年四十有六京朝鄉國  
欽贊徽儀倉庚啾啾聞如鳴鶴無德不譽於乎美矣恭人居柔執謙勇于見  
義初爲新婦適女公有殉夫之烈家人勸譬已獨默然乃待其引決親爲沐  
斂曰人貴知心事各有志兒女之仁徒亂意耳故其知生善死素所樹立然  
也驕穉妾媵慈如乳母妾亦親之若其事姑闔門雍和二族敬焉既葬且墳  
夫哀未釋思所表睹以視嗣音乃依漢典爲作神誥系曰  
孝于舅姑而後當夫是謂婦順宜福之遐如何恭人長集于枯再育不榮魂  
翔異都仁壽宵翳家國嗟吁孰知其然賢固有殊彼穀穀老貴蕃庶實陋  
且愚沒而一邱既有令名華靡弗居嗣其坐遷留訓列圖非向孰傳揭此墳  
隅龍有達者來視典謨

殷憂啓聖長瞻四目之靈光惟神依人庶格六筮之誠味

述秋懷賦

并序

嘉善 唐際虞 贊襄

甲戌十三年余春秋二十有二杜門養拙蹇步無良頽然鄉里中人也  
時當素秋回憶癸酉南場文戰不利今己月瑄一周矣聊濡柔翰用述  
所懷不敢告人云爾

伊余懷之杳藐兮廓獨處而無儔耿中藏之不擇兮與外感而相糾般總總  
之無紀兮憚不知其何求非停雲之吟思友兮豈暇日之賦登樓獨感此蟬  
蟬之身世兮頽然躑躅於山陬將處幽墨而誓金石兮誰佩余之蹇脩執拳  
拳之忠懇兮懇君門之未易投斗柄條其西指兮駭夫陽烏之已秋於是因  
索居之無慘兮思登高以自廣陟從龍之崇岡兮渺萬有於一望野塊葬其  
無人兮烏擇木而引吭欲脂余轡而遠遊兮慘四塞乎煙瘴雁離離其南征  
兮雲蕭蕭其北向雲則有霖雨之材兮雁則有羽儀之狀因翹予首於北闕



分見山川之遼曠山莽莽而川洶洶兮適助余懷之悲壯嗟夫有懷者必因  
秋而生感兮感秋者必備述而致詞彼蟋蟀之無識兮猶俟秋而如斯此雞  
喞嘶而悲鳴兮得秋氣於先知矧人生抱此瑰奇之質兮能不動吉士之秋  
思昔仲父之遐情兮指浮雲而生悲元幹之壯心兮引長風而自期衡何爲  
而四愁兮鴻何事而五噫荃欲排闥風而往從兮縹余馬之駢駢恐青冥高  
而莫攀兮被罡風之見欺吾將攬伊呂之芳襟兮相與坐莘渭而論之不見  
夫聖人之御極兮乘六龍於雲路空巖穴之岐嶷兮展重新之國步賢人溯  
流而鴻軒兮下士聞風而蠙附人皆慕乎珮紱兮子獨何樂乎章素羌欲撰  
吉諷而上征兮叩帝閭而往訴陳河清之渴思兮俾王道之布濩心魏闕而  
身江湖兮疇鈞軸之予付實時命之不猶兮又何憾乎蛾眉之見妒歲冉冉  
其將及兮日黯黯而行暮且下高岡而返居故兮修吾生之初度已矣哉秋  
氣蕭索兮咽嘒嘒之寒蟬登高望遠兮空眷眷於秦川勁風捎乎庭樹兮白

日匿於虞淵愴鷓鴣之悲哀兮衆芳歇其嫵媚審榮落之有數兮四序代其  
乘權萬物盛而必衰兮望舒缺而仍圓苟含光而隱曜兮庸詎識其悒悒且  
寬予之疚心兮勉王程而舍旃憂我之憂兮與物爲緣樂我之樂兮殫精自  
專惟微忱之未達兮請憂思之暫捐優哉游哉聊逍遙以容與兮樂夫天命  
之自然

愁賦

前人

瞠目秋空層陰韜日驚埃漲風天地色沮歲月運窮人生萬族懷愁則同於  
是僕本羈人牢愁益入對此茫茫百端交集歷覽古人眷懷靡及有如吳王  
按劍遂霸諸侯張錦帆於極浦耀羽獵於長洲方將波伍員輦西子拓臺榭  
於靈巖樂讌遊於香水梧宮已秋傷心千里若乃屈原放逐喪魄亡魂行吟  
湘纍悵望帝閭寫離騷之幽憤睠故主之餘恩蘭蕙朝折沅湘夕昏抗龍門  
兮萬里終悽絕兮何言至如子卿懷漢牧羝狼胥身陷大澤目斷穹廬想和

訛以齧雪更裂帛以繫書隴雲暮捲塞草秋疎愴節旄之盡落諒其意之何如又如陳后失恩長門永隔雕輦已辭玉顏自惜隕梧楸兮井欄閣砧杆兮階石寶鏡塵昏瑤琴灰積望翠華兮不來悵徘徊而竟夕若夫張衡出相悽斷四詩白日西匿黃雲北馳眄漢陽其已遠指湘水而爲期借瓊瑤以比德託雪霽以通辭側身四望涕泣交頤至乃闌成去國辭迹蕭梁小園寄興枯樹增傷弔臺城兮寂寞顧軹道兮荒涼故國蕪沒江關路長流離家世觸緒難忘或有征夫塞遠思婦樓深君悲戎幕妾怨葦砧此人但見關山明月響滅音沈亦復形神於邑泣下沾衿若乃金燼殘華筵歇客散堂空銅壺已竭無不對景增悽煎思入骨已矣哉春華謝兮秋景清秋景畢兮春華榮樓閣傾兮綺羅盡歌舞滅兮感慨生矧韶華之代謝惟愁思之難平

顧紫珊先生養心光室詩集序

前人

聞之入獲人之室者解築垣墉登僂氏之門者勿愆繩墨例觀末藝不乏師

承言念吾徒允資宗匠况乎淥淥文水疊疊巘山陸宣公導雅軌於前陳賢良扇清風於後然而古人不作來者爲誰李供奉之低首宣城偏逢六代淫哇之後庾開府之馳心雲夢已在三朝喪亂之餘良會難伸昔賢所歎何幸穉年王粲得見賞於中郎當世馬融肯兼收夫子幹聞五千道德固已灑練心胸即十九寓言亦足發皇耳目若吾師紫珊先生者誠具叔度千頃之波而得季野四時之氣者乎先生總帥習吟寢興幼學王敬倫克承世業蘇穎濱不讓兄才放眼江湖半指侏儒以爲聖苦心場屋豈真齷齪者能賢無如一第溷人四方多難望東南之沴氣粵禽皆噴毒而飛逐西北之浮雲越燕盡傾巢而出飢來驅我強稱鐵漢後身壯不如人閒却玉堂鉅手於是臨文茹歎吮墨興嗟問中散之琴樽空存苔礎尋鄭公之門巷半墮煙蘿拂古硯兮猶塵託傭書兮爲活江山秋老篇篇捲枯樹之聲風雨夢回字字灑啼鵲之血其殆少陵變府義山井絡之遺乎既而草罷軍書譜成凱唱歸來早賦

小隱同招王司州印渚之遊襟情自遠李明府後庭之集嘯詠方道儘有門  
生藉王楊以攀屈宋誰知老子左徐庾而右韓歐可謂斯道之國工不朽之  
盛業矣嗟乎南國少風雲之氣西崑多兒女之情雕繪乾坤空抱家家之玉  
迷離烟月爭吟樹樹之花遂使讀之者哂吳體之尤卑論之者笑唐風之已  
沫先生以嶽嶽落落之才寫骯髒悲涼之句雲霞萬丈照爛火而無光鸞鳳  
一聲覺羣啾之自廢允矣起衰之學遐哉望古之思際虞忝屬門牆有慚樽  
散童時藏匿幾罹三戊烟塵壯歲研摩頗戀一龕燈火間嘗景光邦彥被服  
鄉賢抱簫山才本清腴陳範川先生葵衣老致歸道宕黃霽青先生履綦百載驂斬一  
人適因講貫之餘獲與校讐之役望洋興歎捧土爲勞卽欲上擬管窺摹鄂  
跼連蹙之致妄矜楚叩發滄濤訇礚之聲正恐好學虛稱吾才既竭敢希附  
驥追謝續貂譬諸敬禮成文尙待陳思論定差勝昭明製序居然元亮同時  
駢花閣文選卷一畢

而孫臏圍魏之謀也使其不死宋固帝之韓信呂卽帝之張良遷之頌帝且  
過漢高遠矣智慮既深窺籍無謀而不敢告嗚乎豈料籍輒以此煽軍假爲  
罪案遷竟爲籍所愚後世且以愚宋而並愚帝哉然而籍之亡實以此

范增無謀

范增請立楚從戴潛虛謂為項籍之所由亡籍弑義帝諸侯籍坑降卒二十  
 萬失秦民輟覽責增不諫是則然已鴻門之飲屢請殺沛公而籍不從蘇氏  
 歎為人君之度而惜增之去當在殺卿子冠軍時謂增不去羽必殺增後世  
 遂謂籍得增而不能而俱哀之嗟乎一增不用高帝特即鴻門一役歎之  
 是則英雄快意語耳抑之籍之亡乃皆出增謀哉且夫無形之獄當索諸  
 有形無形之中而後其獄乃斷舍形者妄執形者迂皆不可以言智况乃兵  
 家存亡之大略哉范增者猜忍而不能下人項籍則嫉人功高而寬於卑下  
 皆一將才也請即以鴻門決之沛公之來百餘騎其將一樊噲耳欲殺則入  
 門之始一武夫足矣籍既不忍增苟為籍斷而行之可也何待從容壇坫杯  
 酒言歡示缺不行乃為劍舞殺機屢兆沛公乃逃又復撞玉斗以重兩家之  
 怨毒此可謂智者哉夫籍聞沛公已得咸陽恥其名之蓋已而非嫉其貨財

也破關明日卽憤滅劉增既主殺謀必出增籍之嫉人功亦可知項伯  
而不誅樊噲責言而心折其寬於卑下抑又可知增久居帷幄此其長短寧  
不知之知其不忍而必洩其形夫天下英雄困厄折節下人此固萬不得已  
之所爲也吾之才苟爲彼所尊敬固可撫而無憂苟非尊敬而特以勢脅之  
旁觀復激其仇而重其恥辱一得志有不滅其人以自快者哉增之明籍不  
知沛公之不甘下籍其來謝實乃萬不獲已之所爲奈何沛公不滅籍而增  
故促之也且沛公既已滅秦大功已震天下籍之不殺豈曰愛之懼失天下  
心耳爲籍謀者既知滅劉之已洩則宜馴籍之氣往賀而使之驕彼既好色  
好貨吾卽王之咸陽使自溺於聲色珍奇之域夫以昭烈之英雄且溺於東  
吳之美女况以一亭長起農家親見周室世官之重又不若籍家世將則其  
志必盈嚮之出咸陽者畏籍之來非樊噲張良所能動也苟爲秦王則亦罷  
酒美人老死咸陽已耳尙安能與籍之年少氣盛爭一日之短長哉籍之戰

河北也名重天下秦既封劉乃封諸將環晉隴漢洛上郡使陰敵劉而已辭  
封土徒義帝都榮陽以塞其吭而自相以行其號令天下且將高籍之讓而  
諒其坑殺之淫威然後課農興學引東南之粟以足中原收攬少俊英才寬  
爵賞以激其肝胆則雖韓信之屬得一將軍而其志卽已無他行此數年根  
深柢固然後掉闔以戰秦鄰而使劉必敵吾乃乘其間假義帝命伐之其滅  
劉決矣劉氏既滅義帝可輔則項乃伊周不可輔而自圖之則亦漢獻已耳  
天地昡則民強而瘠則弱水通則農商利而勢自強關中地瘠宇文秦經營  
攻戰數十年終不克滅暴齊以吞中國嘗歎地瘠之不可爲英雄建國豈必  
關中貧寡則無不弱東漢後趙皆起中原兵威乃震隴蜀司馬遷泥周秦故  
迹而歎籍之不聽韓生夫既坑降卒二十萬矣卽王關中其尙能一日安枕  
哉君子所尤太息痛恨於新安之殘虐不得不爲遜讓以挽之也或曰籍之  
雄武遠過沛公而子必爲迂遠者何哉曰河北之役誤之也宋義之爲卿子

冠軍也義帝呂臣類皆深服其才足以滅秦而不叛而後寵以創特之殊稱  
籍與增見其未戰而驟錫從古未見之名固已深嫉之矣義之英略此兩人  
者不獲一測其深增詔奇謀窺而不獲則更嫉之然後使籍怒其軍而動於  
惡不然增主籍謀任末將天豈不能阻籍沛公功而無罪增且屢殺不忘况  
義功未著而驟居已上者哉雖然籍之殺義可謂不智不可謂不雄河北之  
功實基於此何也其氣已足死吾軍而奪強敵也然而其亡實自此始何也  
知戰而不知不戰之戰其術乃神於戰也救趙之役籍慮趙亡則秦無敵可  
乘似已秦之圍趙鉅鹿也四帥畢至其勢必無趙矣然趙據河北未嘗一救  
河南趙存亡於楚何與法亞夫堅忍委趙於秦趙亡秦且盡軍河北以鎮方  
千里之地則關中益孤彼固以為吾守巖函諸侯莫敢入也况乃英蒲猛毅  
籍已使將二萬軍先北渡但令法彭為越游兵往來出沒擾餉道而綴之河  
章邯必自將追襲則圍軍益寡趙必不亡籍與增然後虛幟已營而疾馳入

鏡即龜鑑治亂樞機炳前轍龍鸞變體驗氣運靈魅真形呈目睫天公留此  
豈無意欲使萬世奸膽懾吁嗟乎欲使萬世奸膽懾勿與銅雀之瓦共摧裂  
暮春感興

寒雨敲窗夢不成卷簾喜見夕陽明落花風裏金鈴語遙應金鈴玉笛聲

溪橋踏月

林深鳥夢熟渚遠漁火冷空波動淪漣月在前溪等

贈冒鶴亭

陸機入洛年猶少每誦清芬涕已潛繪水名園餘草太闕天奇可壓江山蘭

陵載酒聲華盛蓮社諮禪意氣閒采得薜蘿欣捧袂祇愁孤鶴又南還

君家洗鉢池頭水灌出詩腸錦萬端賦擅蘭臺長諷喻辭吐黃白話辛酸

外祖頌繁  
援救甚力  
靈巖夢月凡塵遠海國尋春望眼寬獨悵鯤身蓬島隔何時重覩

漢衣冠君詩中有感  
慨臺海語



葉景福 字伯謙安徽霍邱人光緒丙戌進士

秋夜懷人

芳草淒已脫美人期不來携琴掃羅徑明月照蒼苔桂樹涼颯發秋河落酒  
杯西堂詩思迴孤影傍寒梅

宿三峯寺

家有青山不論錢逢山何事輒流連空林水石渾如畫斜日村墟半化煙燈  
暗流鶯深竹裏鐘喧宿鳥亂松邊何年結得芝薇伴布鞋芒屨便是仙

送王向甫侍御出守潯州

楊柳東風御陌晴一麾詔出鳳凰城烏臺舊壓三司貴蠻府新成萬里行北  
海壺觴紛祖帳南天鼓角能邊聲使君襟抱如冰玉一到潯江分外青

程頌萬 字子大南湖長沙人官湖北候補道著有楚望閣集

和中實無題詩四百三十字五平五仄體用一送全韻

蘭皋三春遊蕊館十載夢高臺臨芳衢遠宇閉曲弄行雲鴛鴦樓映日翡翠  
棟珠櫳開流蘇寶髻覆錦幃羅襦千枝花繡纈五色綵青琴初調絃紫鸞忽  
引鞚吟儕紛招携靚侶自伯仲才人羞邯鄲估客陋楚嶺窺筵花雙行佐饌  
酒幾甕衣香團爲雲燭燄散若霧歡迎按雙緇量淺笑一匱欣偕延年觴競  
食益智櫻持螯調須薑薦鯉雜以蕪盤呈駝峯肥盜貯鴨足豎脣分檳榔香  
手摘茉莉送迷藏尋無方拇戰屢不中繁聲催鸞絃曼響逗鳥哢前歌方闌  
珊後曲遞引控橫波彌愁憐笑語自謔詞千金憎雙啼六博佐一哄扶釵窺  
玲瓏解佩惜空憶班紅鴝逾哀褪粉蝶乍低眉思餘歡實眼遞隱衷餐歛  
郎爲扶鏡暈婢可碧簾垂空聽羅被窄亦裏鳳同心朝侵寒半臂夜怯凍更  
闌噴鷄鳴日出妒燕圍花明窗無塵薛補砌沒空心經鸚鵡調肺熟荔有貢  
芳韶何迢迢墜想若膏管鸞巾香留痕麝抹薄帶渾雙鸞嬌橫蛾一水媚合  
湏澆恣河無靈鑪恨嶺有陸三星殊迷離百兩忽頃絢飄零原無端豔羨一

已衆絲牽靈蛛愁鼎熱睡鴨痛頭襟春迴波汲井夕沒凍長吟鶯鶯詩真賦  
簡簡慟層幘籠輕塵閉幕有積淞生含桃花宛葬受燕子贈栽花今成粉采  
藥昔入洞千齡母相忘一賦擬託諷無題空踟躕有淚莫慙恫

長沙春遊曲和贈易中實

湘春門外行人稀薄衫窄袖縫春衣愛聽紫陌鶯啼好初見紅樓燕子飛  
燕雙飛高復下倚廊莫放春愁治幾處珠簾欲誤入幾回白袷親調馬側帽  
疲驢江上春香名曾喚作春人不知綠鬢年年減惟見桃花歲歲新年年歲  
歲尋春侶暮暮朝朝懺愁語金谷曾辭洛下塵玉驄又繫湖邊墅芳塹湖邊  
號蛻園吞花臥酒看青山雅才今日推雙陸樂府當年說四蓮河東雙戟高  
門第南樓賓讌同傾醴茗酪應傳天寶奴筇篲競學延年弟燭韉化蘭話昔  
游十三回入海天秋鳳闕曉光依日下鯉盤春水薦黃流少日功名須稱意  
繡衣持節文章貴但使爲花解笑人未須琴鶴貧爲仕倦仕驚看近日容相

如惆悵舊眉峯啓君匣裏雙菱鏡送客江天七寶鐘江天隱隱紅闌色定有

春魂倚闌側來日還須拂錦鞵與君買醉垂楊陌

中實詩自注  
渡海十三次

長歌述南北勝遊贈易中實

偏仄復偏仄臨邛大夫人不識栖皇復栖臯郎才人嫁亦忙橫睇中原三  
萬里郊島狂名伴羅綺京師滬濱與珠江眼底花光燭天起靚霞堆作海山  
春粉氣蒸爲星漢水古而無死樂何如來日大難行未已相逢易仲子忽墮  
江之涓紹裘寶劍各年少竭來老大殊鬚眉爲君歌京師五侯七貴殊未知  
車塵迷卻九條陌闕勢低飄五丈旗詩贈唐賢張好好曲傳宋室李師師櫻  
桃斜畔人皆瘦芍藥臺邊馬亦肥蝶向太常檐下覓烏從御史府中飛家家  
冑戶蕙雲子箇箇當筵鬪雪兒三海日高呼未起五陵秋晚獵母歸骨求燕  
市生原賤肉煮秦宮死亦稀爲君歌滬濱海外樓臺地中縮樹簇妖燐不夜  
城窗撥毒螫諸番屋夾道森輪鶴共乘分郵電堦龍相續隊隊天魔下彩霄



坊坊脂夜團妖窟黑雲燒斷伍胥愁紅鬼不爲黃歇哭籠鳥都成比翼禽園  
花平雍相思木鏡檻三千列若眉屏風十二圍成肉積氣應憑毳上升禍水  
多從壁中伏歎子歌翻北渚蓮秘辛書削南山竹網得西施定沼吳到來劉  
禪休思蜀爲君歌珠江箏船繫榭如蜂房蠻夷他自誇雄長烟月銀能創作  
坊孔翠船篷雙岸柳素馨簾幙四時妝珠娘夜捧紅雲宴烏鬼晨窺碧玉廊  
鷓首虹橋千百轉蝸廬番舶十三行隄栽石氏珊瑚樹艇構盧家玳瑁聚挂  
出樓頭鐵鸚鵡排成殿脚錦鴛鴦爲犀鈎鈿檻層層幻繡屨瓊梯曲曲妨花堦  
鑿魂牽碧艦藥洲槎路犯紅牆馬援珠是軍中慧陸賈金輪嶺外裝栖皇復  
栖皇偈仄復偈仄登高賦豈鍊都才埋愁詩述無家別京師滬濱與珠江不  
賦江山賦花月九鼎圖奸古刻金六州鑄錯今已鐵十字門開蜃有樓三秋  
草長駝爲陌并刀翦水水不流越弩射潮潮未沒萬里歸裝鬢欲絲十年磨  
劍心仍熱仰看易仲子我歌君勿憂聞君足跡隘天下方言奇字能雕鏤才

名豔妒萬花錦酒價貸以千金裘幾年大梁棄官去白日醉臥江之頭 聖  
朝車書四海一江山何處容詩囚京師滬濱君有述安得海童送汝珠江花  
月之層樓  
西陂夜泛

嫋嫋風初墮娟娟花欲愁不知今夜笛何處采蓮舟白紵憑裁扇紅妝嬾上  
樓清宵詩興減斜月在簾鈎

孤館

孤館夜悽然星殘欲曙天秋痕雙鬢裏客夢五更前月幌全低樹冰琴暗澀  
絃不知方丈室何物是愁邊

湘社雜和李義山詩 井 鈸

昔嘗謂學杜詩當從義山入然學義山而不得往往有淫思而無古意不  
獨遠於詩教且貽心體之累暇與中實叔由諸子縱論及之因約雜和十

一篇用昭裁割沈博之響萬有弗逮聊以是爲涉聖之權輿爾

樓上歌聲樓下絃被池香霧又三年碧籠小樹初調馬紅定斜陽不見鷓楚  
望雙啼斑後雨吳妖一握玉爲煙如今留得飛龍骨每憶當初便黯然

右錦瑟一首次韻

碧城天上隱闌干相送麻姑海色寒一夕金夫歌白雁三年玉女泣青鸞  
畫廊油碧春前見窄袖啼紅別後看願化舞臺銀蠟炬照他嬌影上空盤  
抱月飄烟亦可憐相思眞悔見桑田星穿巧夕針雙孔香鞦斜廊玉一肩秦  
女瑣窗窺鳳柱楚妃靈瑟感絃絃任他方朔偷桃去仙犬花中只自眠  
畫樓東畔是前期七夕星橋斷欲垂桂魄自鋤天上藥檀心空發海南枝相  
逢羅襪無須賦獨背銀缸有所思一枕綺機留夢處昨宵愁語阿鬢知

右碧城三首次韻

相見迴廊屨有蹤百花迢遞一聲鐘鏡移菱鏡春旋浣盜覆蓮屏粉未濃窺

山左李百良見心甯武關弔周忠武云今古雄關峙如聞鼓角聲蟲沙餘戰  
地巾幗亦干城天闊燕鴻遠風高代馬輕何方尋碧血衰草暮雲平按圖賊  
陷鬪忠武夫人劉氏先焚其居率健丁五百僕婦百人巷戰射殺賊千餘矢  
盡夫人以數歲子屬健丁五百日能衝賊出爲都督全此子幸也遂舉火自  
焚百婦人皆殉焉五百人力戰並子俱歿無一降賊者夫人勇過忠武弓之  
強一軍莫挽今甯武有夫人專祠祠碑爲鎮洋彭兆揀撰文

崇禎末歎女子畢韜文著父守薊邱戰死尸爲賊虜韜文時二十許夜率精  
銳入賊營手刃其渠與父尸還葬于金陵賦詩紀云吾父矢報國戰死于薊  
邱父馬爲賊乘父尸爲賊收父仇不能報有愧秦女休乘賊不及防夜進千  
貔貅殺賊血灑灑手握讐人頭賊潰自踐踏尸橫滿坑溝父體鑿襯歸薄葬  
荒山陬相期智勇士慨然賦同仇蛾賊一時淨萬年固金甌乙酉後歸崑山  
士人王聖開偕隱吳門所著詩名織楚集

廬陵劉淑英忠烈公女也適同邑王藹十八寡明亡淑英以父與翁皆世祿矢死報國募士千人會楚將張先璧與商國事先璧心持兩端且欲納淑英爲配淑英怒書壁云銷磨鐵膽甘吞劍抉却雙瞳欲挂門徑跨馬去盡散其所募士闢一卷曰蓮舫迎母歸養誦佛終身錢塘沈霞山齊風咏淑英云來何勃勃去何堅百念都灰馬一鞭浪向狂夫銷鐵膽徒募死士破金錢高堂愛日愁萱草禪榻春風謝妙蓮回首漢南新壁壘祇餘涕泪洒遙天

蕭山沈雲英才兼文武父至緒武科進士任道州守備爲流賊殺于麻灘驛掠其尸去雲英年二十率十騎直抵賊砦奪父尸還上聞以雲英爲游擊將軍領父衆會其夫賈萬策以都司守荊州南門賊陷荊州萬策被殺雲英哭辭詔命扶父柩回籍 清師渡西陵雲英自投于水母救免之設塾家祠之左時猶重胡傳族中諸生成受業焉順治十七年白洋觀潮歸沐浴臥而卒毛大可雲英墓志略云弱體僅足以勝衣薄力較難于舉白汝紅則蜘蛛還

其巧貌素而芙蓉失其色刷金箱而斬秣漑黛挽以傳餐朱旌拭泪盡作胭脂素鉞矢心勿懸巾幗奪父骸于軍上拔賊幟于帳中裙披馬腹漚以桃花矢嚼箭頭碎爲菰葉大復讎以報親肆弭亂以衛國踰城苟灌小女救父抽刀謝蘊爲夫殺賊自逾壽陽孟妃之能竟搜內史陸妻之苦不喜貔貅百隊受君新策惟願明駝千里還兒故鄉因葬親於原阡旋匿形于漆室而饑無朝爨採著爲難寒鮮肘衣寶珠不足于是備書族里筆落簪花課塾閨門書垂帶草慕李衛之妙楷進晁君而受經既缺青黎之假終鮮絳幔之陳語之詳盡爲能繪其生平矣沈霞山詠雲英云浮沈血海久忘身破砦奉旗起怒塵決眦纔銷些子憤椎心還作未亡人一編胡傳生徒夥滿眼蕭山草木新留得白洋千載恨夜潮門外咽頻頻亦覺凜烈如生

新會四孝烈皆以代死聞順治甲午西甯王師攻新會城閉八閱月守將屠人以食其代姑死者諸生林應雒妻莫氏代夫死者李氏諸生汪師讓妻黃

氏代父死者梁學謙女年十一時有詩哀三婦云可憐窈窕三羅敷再拜乞  
君充庖廚解妝請代姑與夫妾年尚少甘且腴姑與夫老肉不如哀梁氏女  
云有女年十餘緹縈亦不殊哀求赴湯獲保父千金軀勿嫌女身小一飽只  
須臾皆酸鼻語

謝陵娘泉下里諸生邱樹婦丙戌八月田仰率潰卒趨東粵間道走建甯出  
泉下里居民駭竄陵之翁姑得騎先遁陵娘挾小姑躡蹻在後賊騎追及目  
其豔欲擁之上馬陵娘厲聲求死伏地大罵賊知不可強拔佩刀刺之中左  
脇未絕也語小姑曰死不可偃地強起赴叢薄中解帶自縊展兩手引帶死  
而弗釋順治己丑邑令欲爲請旌樹聞狀力辭其略曰旌典宜加其大幽志  
務求所安昔聞冒刃全姑脫夫完節孝義並全智勇兼諒關係重大華哀宜  
先今亡妻義激一時僅完身事匹婦之盡窮簷實多遇難憤死甯無湮沒若  
復旌一遺百豈不獨倖爲慚且孝經大義惟在立身揚名今二白在堂顯揚

驪歌譜作餞春詞苦爲春愁春不知懊惱封姨偏作劇吹來花片惹人思

史玉印

番禺石橋庭司馬宅星巢觀察之母著有芙蓉館遺稿

春寒

繡圍春始暖雕權寒勿侵不放豔陽辰釀成連日陰坐惜景物滯未喻東皇  
心青江豈解凍新冰欲成林閒庭愁却步繞砌聊清吟遊蜂聲重澀凝蝶夢  
將沉花枝紅白怯苔痕綠轉深東風眞似翦羅袂亦何堪

春日寄懷張夢湘表姊

隔簾花氣雜氤氳百和釀香細細焚幾日東風寒作雨無端春思懶如雲常  
翻繡譜應憐我閑對棋枰每憶君敢訂明朝來促膝剪燈終夜話殷勤

端午

佳節傳端午誰家不酒樽紅榴迎綺席綠艾插朱門巫鼓悲曹女漁舟弔屈  
原人生只忠孝荆楚俗休論

夜雨

侵階滴滴復蕭蕭一點清燈照寂寥入夜不堪愁裏聽窗前翻悔種芭蕉

秋情

詩情偏自逼儂生耿耿秋宵睡未能如水閒愁消不得半簾菊影淡秋燈

乞巧

炷罷沈檀理彩絲曝衣樓上月如眉金鍼肯把來相度繡出鴛鴦便絕時

蕭道管

字君瑞一字道安侯官縣人

春暮

料峭尚春寒不知春就闌憑欄嫌竹蔭移榻就花看詩卷離披滿燼香淡蕩  
殘年年三月暮愁思起無端

七夕雜詩仿曝書亭體

定有瓊樓特地涼銀河爛熳起紅牆黃姑曝慣黃綿襖不領天孫雲錦裳

西風不算青涼緞南阮無多黃竹箱擁得桃笙背燈坐月痕如水過東牆  
碧海青天幾度來嬌鄉縹渺指蓬萊嫦娥懶見雙星會漸漸靈妃喚不回  
依舊東西溝水流有人為古起擔憂玉皇不付馮諼券何處婚錢釀阮修  
秋聲不起青楊巷夜色平分黃篋樓曬罷殘書無一事詩情付到箇螢流

送石遺別後小鵬桃花盛開

小院桃花的的紅驕人顏色倚東風桃花不待歸人看却讓紅妝照鏡中

病起示石遺

何止頻分熨體涼差強人意免神傷春花秋月知多少臨水登山費未央百  
日容光違寶鏡兩家喜色動高堂弓彎裙帶生疏甚一一從新夢料量

有所思

枯棹聲裏月如烟危樓虛倚愁不眠夢魂飛越路三千碧雲樓閣何處邊下  
有清影照嬋娟亭亭隱約畫廊前此時幽怨鬢斜偏紫霄鸞鳳乘何緣西風

寫韻傳一篇不讓湖色西子妍波紋滑笏如春箋飄零風露共叩斂雲鬢香  
霧濕可憐棄擲寶枕夢游仙銷歌錦瑟張鯤絃胡爲落葉聽哀蟬遽遽胡蝶  
去不還秋更一一年復年

呂

湘字惠如旌德呂鳳岐太史  
長女著有惠如詩詞鈔

二月三日寓金陵第一樓

楊柳青青縮客舟  
竭來此地共句留  
春生天上初三月  
人在金陵第一樓  
貝闕蛟宮窺海藏  
珠槃玉敦集名流  
開顏且酌金陵酒  
明日分飛各自愁

長江舟中

廿載京江路重來  
印爪鴻雲棲高士宅  
草綠寄奴宮北固  
青山在南朝鐵騎  
空幼安詞筆健  
感慨古今同

虞姬

獨飲龍泉殉主身  
一時節義竟無倫  
漢王甘把嚴親棄  
不及重瞳一美人

白虹已滅壯士行  
易水嗚咽鳴不平  
停車爲弔田先生  
吁嗟乎燕丹孺子不  
足謀美人之手於  
期頭先生自到舞  
陽囚死者紛紛秦  
愈仇君不見聶政之  
姊鱗諸母死成其  
志情亦酬惜哉荆  
卿非其儔先生薦  
士無乃羞

送狄文子應經濟特科

未許閒情戀薛蘿  
詔書搜採編巖阿  
婆婆風月英雄老  
教授河汾將相多  
國士金求八駿美  
人白髮畫雙蛾  
本來政事通文學  
吾黨英才備四科  
天子臨軒勅御  
題摩空大筆吐虹  
電上書賈誼據  
悲憤啓事山濤  
重獎提往日短  
衣曾射虎今宵舞  
劍忽聞雞萬言若  
奏安邊策未可輕  
談罷鼓鞀

讀翟園楚游詩題贈

靈夢瀟湘地由來  
感慨多古江流不  
盡騷客意如何宋  
玉悲秋賦楚狂從  
政歌中原方有事  
未可問巖阿

琵琶亭



誰不青衫濕香山淚獨傳琵琶絃一曲楓荻已千年淪落那相識別離原可憐祇今溢浦月長照賈人船

過山海關再贈銀鳳

停箸提臂要談兵戎馬倉皇記不清記得一般明月夜閉門攤燭聽刀聲

摘句 江左風流於越秀詩中標格盛唐高贈沈明甫公子

美人脂粉金閨艷騷客航船白社狂崇效寺看牡丹

廉吏有家如作客英雄末路悔封侯慈汪懸

陳步墀字子一幼儕廣東饒平縣人附貢生候選道少擅文名性尤慷慨四十後詩長篇益見老健戊申粵省水灾子丹賦救命詞三十首刊刻報章為之呼籲下芝女史以絲繡之富商爭購標價至五百金以充賑款盛傳一時所著有繡詩樓集雙溪詞均已梓行

葉娘曲

西方之人葉小玖面似芙蓉眉似柳柳眉蓉面出牆來行人至此為翹首劉郎無意入天臺小阮前驅引勝來仙女從來各雲雨任郎豔占梅花魁花信曾無廿四番護花舊主禁窺園郎學偷桃方朔事女為紅杏不關門離合天緣太無定喁喁泣說郎君聽妾是羅敷已有夫郎是來遲如送腰無他長物報君恩珍重聲聲帶淚痕臨別一言君記取義高紅拂妾心存巾扇貽君各一持寒暖無人要自知手把銀鏡繡絲履從君杭葦到天涯象管安排入錦囊加餐莫使瘦詩腸迷津若問桃源路心記胡麻飯亦香玉貌雙幀再贈郎木蘭雄兔與秋娘男作清風來故友女為明月照君牀憑肩嗚咽情酸楚他日相逢下車處一字丁寧一字金檀郎默默無言語非因無語便無情郎已銷魂說不成割斷紅絲放卿去忍教長恨聽哀鳴最憐人與桃花流水斜陽帶暮鴉石上青苔殺人思悔教誤夢到槐衙吁嗟乎人生過眼如雲烟知己難逢白樂天卿抱琵琶儂作客長歌和淚落尊前

月浦渡

客路經南浦匆匆又渡河舟輕兼載幘橋小等籠鵝到處波瀾闊他鄉水國多前村是余姓指點出煙蘿

過潮橋

考古義安郡游踪廣濟橋斷碑平水性橋畔舊有碑銘洪止水止此遺廟隱山腰此道中流柱何人舊止潮墩高好瞻眺北斗在雲霄

摘句 老境已無金馬想文心猶有玉龍雕和蕭竹朋

錦江春色來天地海畔雲山擁薊城集句送劍士北行

且莫蹉跎傷老去當筵猶愛趙歌兒題岑嘉州集

胡鉉字鼎三又字墨仙福建同安縣人幼承家學稟賦魁異以擘窠書鳴於時旁及詩詞古文尤佳大府以功保道員常遊大江南北諸名勝橐其丈有二寸之椽筆以隨所至皆有圖詠築椽筆樓極文酒之樂一時女士如顧妙

仙石韻仙張閩仙輩皆造廬請業韻人領事其風致不減隨園老人也故又號椽筆樓主著有椽筆樓集極精審人爭寶之

雙溪泛月

秋來得吟癖頗不耐林棲連夕思見月乘興到雙溪雙溪行舟便一水分東西水淺石無礙天清月較低卸篷望秋色兩岸與舟齊舟走岸亦走明月處處有與客苦寂寥仰天招以手得月共三人痛談豁杯酒忽忽數十霜古今幾不朽椽筆縱有成焉展予抱負趁此行樂時聊快談天口此意客不知私問月知否

遊西湖舟中作

山光無數落舟中一簇衣香送晚風貪看西湖廉不得明朝吩咐早推篷舟中作字最相宜悟出書家筆法奇要向上流須努力工夫學到挽篙時遊船故故傍花叢一樣湖光看不同箇裏分明有西子大家讓



摘句

弱線能牽千里遠輕羅可奈九霄寒美人風爭

秦淮風月吟邊路建業河山去後新江南別

山水半房仙眷屬古今幾斗女才華棟筆樓琴世試類

識字大關生世福尋師翻悔出山非

續詩人徵略卷一終

竹花因歲歎始開景極衰颯曾見理密親王允初賦一律極佳為愛臨流風尾斜不將丹粉鬪春華貞姿已放千梢翠修幹深垂萬籜花月影忽篩紋錯落風莖未改骨槎枒多應預兆江郎夢斑管紛披五色霞獨見身分筆端仍有一種富貴氣象故知生長華騰者吐屬固與寒士不同也

余以丁未中秋客日本神戶玩月感賦云青天明月夜如何塵夢鄉心積漸多四十年來成畫餅扶桑高處問姮娥汪著林見而和之云六載同郎署當頭月幾圓輪君過東海曾見古桑田把酒情何限登樓思邈然藤廳今入直耐冷對婢娟朱艾卿盈藩云把酒酬明月憑欄百感生誰言此間樂終愛故鄉明大海秋潮急危樓暮氣清側身更西望隱隱片雲橫沈太侔云浮雲天北極誰解憶長安猶是樽前月偏從海外看何人怨遙夜獨客怯憑欄奇語西飛雀還應惜羽翰王鈍夫在宣云登臨豪氣頰滄洲看月三山第幾樓舊侶安期招不得海天風水入吟秋鄉國西望渺繫思舊遊黃鶴壯題詩廣寒

今擬乘風去要借當年玉笛吹方玉山同年履中云五年不見袁絲面舉酒相看各惘然海國煙雲紛變相郎官風味自枯禪紅蘭綠芷含秋氣衰草殘陽欲暮天擊缺唾壺聲動地才人甯願以詩傳一時名作如林未能備錄李可亭靖國亦有句云殊有坡公愛國意瓊樓高處不勝寒用意殊妙然以比擬坡公則吾豈敢

可亭妙年英發有宜春館詩數卷皆學溫李一派紀其感懷云梧桐葉落感時遷幾樹寒聲急晚蟬心事半消新雨後詩情又入早涼天橫胸肝膽誰能識異地烟花未可憐閒倚闌干笑牛女紅教離恨誤華年重幃自別小姑堂又度江干十月霜碧海幾曾能化石青山直欲喚爲郎寒風晚歲英雄淚寶劍明珠俠客腸兩載閒愁消未得且將一半付詩狂俊邁可喜惟卷中悲秋斷腸窮愁浩劫等字太多當春言秋故爲情縛自是才人通病

綠天香雪詩話卷四終

綠天香雪詩話卷五

瞿園居士稿

司空表聖云梅止于酸鹽止于鹹飲食不可無鹽梅而其美常在鹽梅之外者以得味之和故也陶淵明讀書不求甚解杜少陵讀破萬卷無一字無來處皆有書味蓄之于中故各臻妙境義山瀨祭臨文誇博雖適于詩味得毋猶有鹽梅之質存歟

孔子云告往知來可與言詩學詩者如巧匠焉學人之方而自成者圓學人之直而自成者曲取其神不在襲其貌也不然螺贏負螟蛉之子犬羊披麒麟之楨三分肖十分醜矣印板文章亦復何貴耶  
性卞急者無舒緩語性苟簡者無精警語性刻酷者無寬厚語性綺靡者無誠摯語蓋言爲心聲聞人之言即知其心辨人之邪正矣眸子不能掩其胸詩又安能藏其志乎

王定父有句云半夜酒醒風在竹一簾燈小月移花自以爲晚唐佳句余謂

此詩在晚唐固佳惜不免為葉少蘊所譏耳王詰其故余曰睡輕可忍風敲竹飲散那堪月在花是非鄭谷之句乎少蘊謂此等句祇可揭酒家壁為市人書扇公之佳句得母類是王愆然而退

嚴海珊詠張魏公詩傳中功過如何定為有南軒下筆難頗有微詞似未平允茲讀廖綦咳樹一律云時局艱危一力任淮守備故嚴森賢奸惜混知人鑑生死難渝報國心忠比武鄉誰曲諒諒同殷浩太文深與人家國原非易閱盡興亡感不禁直原魏公之心所謂成敗利鈍非公所能逆覩出脫得妙似較嚴詩差勝綦咳湘之甯鄉人性淡泊喜佳山水遊吳楚秦越殆徧所著珠泉草廬詩草四卷多芳鮮澄澈之作摘其佳句如涼鐙儂荻雪篷響破孤煙堞拳雙鷺口樹咽一蟬涼沙明溪路淨涼重積陰開石奇獐虎立邨晚秃鷺號天寒鈴舌啞冰凍石頭肥雨兼山果落泉帶斷冰流遠雨沈雨脚曠野颯風聲霜嚴星斗大家遠夢魂遲撥雲穿鳥道剗竹引廚泉饗鼎尚盪

元日火麝香剛釋硯池冰焙茶天氣逢微雨種竹人家劇暝烟關河永夜松亭夢帶青山峴首風家園一髮青山夢銀海三更白露秋雨催墜葉兼山果風折么紅臥晚枝湘濤拍岸聲穿樹殘燈延苔綠上牆冰泮圓吹魚沫細堂深烟噴麝臍濃新聲樂府伊涼曲舊夢江南白板扉人爭敗局櫻殘劫天劃巖疆作戰杯人語疏燈瀉口酒鴈聲柔擄洞庭船語俱勁健又絕句如初夏云櫻筍成時日漸長檐風草閣燕泥香午晴支枕維摩室殘夢依稀墮畫廊閨夜云綠橙香細侵琴薦銀蠟光清隱鏡匿坐久星河當戶轉月痕和露上花尖亦復旖旎可喜

同年高淞泉太史補與余同時東游有感韓事四律極悲壯夕陽天半送殘霞無限秋聲入暮笳天闢九關藏虎豹地窮三島豢龍蛇淒涼蝸角難為國冷落烏頭未有家木梯蔽江干氣盡藩籬已盡棄珠崖高天孽虜總驚弓氣索強奴片語中爭向鑊湯求避熱漫憑槃血講和戎小朝寂寞千年辱內

禪從容五技窮四十萬金酬下駟可憐赤芾誤曹公颯風霑雨若侵尋赤日  
沈天永晝陰填海冤禽空碧血滿山荒草總紅心悲歌易水彈鉛筑涕淚雍  
門碎玉琴獨立高峯觀蟻戰已教愁比海潮深茫茫前事劇堪師蓄艾二年  
計未遲從此鼯眠鄰臥榻更無勝算理殘碁弱韓不信秦謀狡帝魏應知漢  
祚危六蓼不延薇蘇盡影零殷孽更何之又經木浦云夕照參差劫火紅古  
荒指點亂山中沉沉豪傑屠威狗莽莽乾坤看戰龍夢醒按絃吟海月酒酣  
橫劍劃天風華嚴世界由人造莫抱妖麟泣道窮他如哀胡夢薈二首極見  
性情庚子紀事百二十韻可備稗史均卷中傑作詠古劍云古劍鬱千年睽  
睽光難秘誤墮博士手只為多文字沉鬱翫麟盡二十字中天鬱君才或益  
君之壽乎滋泉勉為其遲可也影曩唐花又復何貴耶同年如陳鰲廬太史  
雲詰贈淞泉云乾坤俠氣鬱沉沉曠代賢豪有嗣音萍絮十年身世感蒼蔬  
一寸死生心飄零薄宦齊門瑟頰洞驚濤海上琴珍重故人青眼在莫辭聲

譽播鷄林黎露苑太史湛枝贈淞泉句云悲歌愛擊漸離筑兀傲羞彈貢禹  
冠王孝起太史震昌云詩工如此窮何害材大由來用本難皆真渾能括淞  
泉之詩余亦贅于後云十年血淚碎瓊瑰澆塊何妨借酒杯豫讓本無知已  
在漸離非為報仇來登樓看鶴摩天去拔劍成龍斫地哀我願大荒披髮下  
共君懷抱一時開

廖澤羣太史廷相除夕京館賦詩云我欲將詩祭還慙酒脯微勝人惟有暇  
閱世本忘機卜鏡憐閨閣題符徧戶扉撥殘商陸火寒氣漸侵衣語意和平  
逼真京曹清苦之境方玉櫟中翰慶忱除夕句云屢惜寒綰炭勤修乞米書  
則直是緣簿一通露出寒酸本相矣

楊文敬公士驥有句云艱時受物非虛器來日論才實大難具有大臣憂國  
之意人傳其口誦二語平生好讀游俠傳到死不知羅綺鄉且謂歿後即以  
此為自輓之句抑何可憐置國家而孜孜不忘羅綺耶

敬青縣閱操詩云五色花團將士裝短衣匹馬賦長楊郭家寶劍新篇術  
謝傳圍棋小戰場叔世兵戈惟熱血憂時人物幾回腸心香管樂登壇事俯  
仰山河鬢已蒼愛世之情昭然若揭年甫五十遽聞騎箕讀末語則平日之  
勵政焦勞可想見矣

富順劉斐邨比部光第戊戌以黨禍死人咸冤之其感懷云肯信村廛有是  
非年來閱歷學忘機枕中車轂難妨夢畫裏江船且當歸北地有人耕陸海  
西山終古送斜暉驚心寒雁程三萬似避刀弦併力飛末句已露先機終成  
詩讖亦可傷矣

徐小瀛茂才諱有風滯蜻蜓似不飛及烟絲斜掛蜻蜓翅之句時人呼爲徐  
蜻蜓其弟小滄有春盡畫長蝴蝶瘦隔溪閒殺小桃花之句奈謂兄名徐蜻  
蜓弟名徐蝴蝶可稱二難謝蝴蝶之所不及也

山陰陳孝蘭解元諱豪于詩落拓不偶快快以歿記其春夜云良宵竟是隔

紅塵可惜飄零負好春兒女應憐今夜月桃花長憶去年人夢游天外情能  
補愁入懷中酒不醇牆角燈檠休笑我一般棄置太無因閨怨云藥爐香細  
午晴開扶病花陰掃綠苔苦煞欺人鸚鵡語碧紗幙下報郎來幾生修得到  
無情一斛明珠抵死爭紙樣紗窗弓樣月最分明是不分均含抑鬱之意  
又仙緣樓閣虛無際春意陰晴變幻中一劍酬恩餘意氣幾生修福享聰明  
才大那能容落拓酒酣重與話生平諸句亦佳

同年范仲林大令諱有地虛羣籟入天近片鷗無投林急逐谿聲走我已乾  
坤一笠無兩押無字均成絕妙好辭

神妖涎妄稗說荒唐庸耳俗目信之竟釀成庚子之變可恨亦甚可笑上饒  
胡瘦唐侍御思敬紀事詩云四字紅旛夜集梟春燈謎語雜歌謠可憐一炬  
成焦土使相登樓拜火妖捷書一夕達甘泉六貴同朝拜賀箋欲倚淮東平  
寇難高駢但解媚神仙灤州燈影幻妖烽牀上癡猪欲化龍十族牽連同日

死大將軍是酒家備隸事典切又任伯序大令兆麟詩云幾旬忽烽火傳聞  
儼未真如何五里霧飛動六街塵蠻邸猶無恙青蒲大有人殷憂時啓聖誤  
國自屏臣持議亦正余亦有句云鬼神尙哭埋冤獄和戰同歸鑄錯爐用意  
近刻然言戰者固當誤國之咎言和者外慚清議內疚神明又豈自今日始  
耶

寫景之語余昔有春漲高于屋暮雲平似城之句柯敬孺師亟賞之又有隔  
岸見山微有樹滿船載月更無人二語黃莽滄同年兆枚以爲可當宋人佳句  
讀莽滄亦有雙馬踏蟬聲及樹頭蟬語綠二語趣極

芥滄爲湘潭王壬甫先生詩弟子古體追摹韓杜大家不屑與鄉里小兒語  
近體稍涉晚唐下及坡谷亦卓然成家夏日偕同署數人遊南河泡流觴賦  
詩余亦與馬芥滄首唱云野色帶山氣水波明岸沙烟尋盤折路風醒寂寥  
花籬落神仙犬池塘鼓吹蛙散衙無一事南館笑浮瓜清晝午窗前疏風細

五月江寒不上潮青溪花影著難消此時歌笑催行樂急劫河山慨短宵悵  
俗談深忘酒淺破愁靈散覺天寥扁舟獨夜饒幽興更繫風絲一弄蕭

十月二十二日赴日本別上海作

國門去眼忽無影似見中原共日沈江上人豪洵不盡又驅風海作雄心

孫奇次青

冬夜遣興有懷少白瘦蝶楚材

寒燈照影夜沈沈自信中年閱歷深守拙不須爭上位安貧何足羨黃金天  
將詩酒添生趣我與梅花共素心海內故人如問訊偷閒三月在山林

策馬請纓圖爲劉味笙作

天生萬里神行骨南北東西四馬蹄髀裡肉生閒不得一鞭殘照白雲低  
生不封侯志不灰登車攬轡莫疑猜腰懸斗大黃金印都自健兒身手來

畢鏊鈞堂



秋懷

西風欄檻晝陰陰黃葉如潮和斷砧搖落應多捐棄怨蕭瑟容有不平心歌  
傳汾悲水何限憶到尊鱸思轉深莫向亭臬弔斜日蘭成短髯畏霜侵

歸會福 介亭

新秋

暑退涼生景物更關山孤雁已南征霜侵岸蓼秋無跡露滴池荷夜有聲寄  
遠猶遲衣製錦破愁難得酒盈觥可憐望月西樓夜簾冷燈殘夢不成

先元恭公文集刻成誌喜并謝鄧秋枚君

太僕文章炳日星克承家學有餘馨側身天地時非昔寄跡江湖淚易零刺  
有狂名驚世俗幸留遺墨足儀型扶持大雅垂千載斯世斯人羨獨醒

湖海同聲集卷一終

湖海同聲集卷二

江都重 閩補蘿報

劉法曾 心白

野燒用昌黎陸渾山火韻

離離野草何其繁春來侵階復依垣卑者下隰高者原荒塍古壙及廢園迤  
邐緣緝伴雲屯道旁萋萋吟王孫曾入謝夢銷江魂誰知秉畀炎火燔初疑  
扶桑紅朝墩迴光倒映爭天龍又疑火烈摧昆侖玉石拉雜須臾焚莫非地  
示出自坤游行九垓周八垠前駕赤騮後朱幡靈風飄搖颺花旛火弓火彈  
隨錦韃叢祠曠堊降至尊示顯靈異求祭膳冀供朝餐偕夕殮不然祝融相  
怨讎靡有端緒亂潘帟席卷地似無膚腎太息竟刈蘭當門誰其幸者衝車  
轅當時青葱無一存難認履齒裙腰痕不可嚮邈矧可捫野鳥啾啾野獸踰  
伎伎翟翟兔鹿奔遑論羣狼與狐猿殃及天池憂溟鯢霄路俛視愁鵬鷓一

一潛伏而高竈妖鷹飛電張目煖斂翼下顧莫救援奏能衛足藟庇根嚼於  
枯荻加平反若枯焦原止其跟安得猛雨來傾盆施以喫酒反風恩可憐小  
草空銜冤我觀野燒發狂言恟怛不樂停酒樽方今海波如沸翻滋蔓日久  
焉塞源往來酬接儕媾婚陰謀寇仇陽弟昆此也吹箎彼和埴將爲蠶食爲  
狼吞賢者昭昭愚昏昏如燕處堂燕處禪蒿日芸生心慙煩焦頭爛額終黎  
元擬排閭闔叫九閭一將燎原之害論貢此芻蕘於臨軒九閭遙遙徒囂喧  
且學昌黎歌陸渾

久雨喜晴放歌

己亥之秋苦霖雨齋閣不斷淋鈴聲晨興梁瓦慣浙瀝夜臥檐溜頻琤琤偏  
走群望迄少效縮屋十日疑稱貞突然喧響乳鵲噪如愈沈痾醒宿醒父老  
懼怵童稚舞而我亦復欣然呈少焉靜思穎有甞不覺喜極憂還生爲憶將  
晴未晴際雲日商量殊費情一晴艱難尙如此何時六合重清明我有大喜

甚於是昨宵就枕方三更醉中躍起繞牀叫斬得樓關歸 帝京舊疆失者  
盡恢復奚止五城兼十城虬鬚鷹爪一回顧稽首殼棘羊犬鳴吃吃鬻笑蓮  
蓮覺適逢初日升銅鉞卻憐晴真夢則幻使我萬感胡由平

題蔣素琴校書背面拊琴圖十首錄四

一絃一柱感華年霧鬢風餐劇可憐難怪畫中人絕代畫師親遇李龍眠

石湖筆

道大無如陳太邱騷情幽賞邁恒疇美人風貌才人筆廣博詩囊一例收

陳維之

魔女諸天意態殊楞嚴十種各形模前塵影事分明記曾識春風正面圖

年從友人處得  
校書西法小影

崔灝清題滿著行裙腰袖角字微茫遙知萬歲千秋後又一簪花張憶娘

歸舟



凍日淡高天西風下水船暫歸疑在客漸老畏逢年岸脚見殘雪樹頭生晚  
烟前村沾薄酒小醉不成眠

寓齋秋感

鍾期去後欠焚琴浪撥閒挑孰賞音秋遣千聲尋醒枕天驅百感赴離心荒  
圖殘暑添蟲壽虛館深宵臙蟀吟擬破愁城無寸鐵酒兵詩陣當戈鐔

乙已送人入都

燕臺迤北鳳城南記謁耆英接塵談朝士貞元猿鶴化兵戈回紇虎狼耽八  
年京國渾如夢萬種滄桑感不堪此去爲詢亂離後遺民可有舊何堪

陳延祺

維之 微卮

舟中雜詩

四首之二

甓社湖隄望珠猶泛夜光浪吞蘆渚白霜染柳條黃聽蟹爬沙響炊菱隔戶  
香我行殊未已煙樹晚蒼蒼

日暮袁江上風煙南北分薔花開白雪車徹起黃雲魯酒餘晨醉淮流入夜  
闌挂帆明日去疎柳落紛紛

與胡幼蕪焦山紀游

買舟共訪焦巖去信步探幽信有緣峭壁勢欹環曲徑亂潮聲擁出層巔僧  
廬假憩還成夢海客傾談亦解禪指點徵君棲隱處風高三詔至今傳  
佛光四面倚危欄笑拂吳鉤起浩歎薄海幾人明善策全球何日息爭湍憑  
軒涕泗悲猶壯當暑風濤晝亦寒試看歸雲將落日暮山頃刻變千端

和夢蘭卽用原韻

驅愁不去奈愁何且把君詩對酒歌血淚滴殘黃口恨夢魂賺盡白駒過漸  
無蝸角功名分漫說蓬心梗概多何日若耶谿畔住扁舟一葉一漁蓑

白秋海棠

白紵歌殘舊舞裳漫燒高燭照明粧自從南雁無消息蟀語蛩吟憶斷腸

寄白龍川上題六清和尚松栢精舍

寺枕河流高建瓴濤聲直走接滄溟月憐禪寂窺齋閣風破僧閒語殿鈴蕉葉書餘蠅楷綠楞嚴課罷佛燈青遙知得句高吟處多少魚龍欲出聽

吳恭亨 巖村

月巖春興用退之南谿始泛韻三首

端居寡事役獨出不計返汎汎春氣慳稍稍車轍遠在自已可欣秀麥青被坂農事屬方急人牛兩牽挽傍村舊日田隔水誰家飯冷風乍東來缺月候西便漫浪谿山佳寂莫名位晚局影今不嫌吾方事屯蹇西鄰有浪子生小學操舟風波一泊之江湖方未休昔時紅顏婦奄已悲白頭兩丸跳日月疾急誰能留願我劣且孱視蔭粗自由落落四立壁而又無田疇併日營一飽泊然銷煩憂彼志自卒卒我懷自悠悠青山展可蠟淺水竿可投即事良已足浩蕩春復秋

亦可以作弓幹

唐棣之華

唐棣馬季長云

各本無上四字據玉燭 與李也一名爵梅各本及埤雅引均

實典六及詩經引補 今人或謂之鬱幽詩云食鬱及萸各本無上十三 或謂之車下李

各本及埤雅引作一曰車下李詩 所在山澤皆有各本無此句 其花有赤有

白各本及埤雅引作或 高者不過四尺各本無此句 子六月中熟各本無此句

釋木疏實典引及毛本改 大如小李各本無此句 正赤有甜有酸各本無此句

澀少有美者復似一類名有不同或當家園及山澤所生小異耳各本無此句

據實典引增齊民要術引又有承花者曰萼其實似櫻桃

隰有樹檉

檉一名赤羅疏引作羅 一名山梨也各本無也字詩晨 今人謂之楊檉其

實如梨但實甘小異耳詩經引作實如梨但小面酸耳 一名鹿梨一名鼠梨

齊郡廣饒縣堯山魯國河內共北山中有今人亦種之極有脆美者亦如梨之美者

南山有枸南山王本誤作北山

枸樹山木其樹如樅一名枸骨高大如白楊所在山中皆有理白可為函及

槿各本無上二字板枝柯不直有子著枝端各本無有字據詩南山大如指

長數寸噉之甘美如飴八九月熟江南特美吳衛引江南今官園種之謂之

木蜜蜜丁本誤作密古語云枳枸來巢爾雅翼引作言其味甘故飛鳥慕而巢之本

從南方來要衛引作能令酒味薄若以為屋柱則一室之酒皆薄七字詩緝

內之酒皆少味也

顏如舜華

舜一名木槿一名日槿一名日及各本無此句據玉齊魯之間謂之

干蒸今朝生暮落者是也五日始生華各本無生字故月令仲夏木薑榮至

莫輒落明日一復生如此至八月乃為子如葵子大華可蒸瀉為茹滑美如

薑亦可苦酒淹食各本無至莫輒落以下文據實典引補

采茶薪槲

樗樹及皮皆似漆青色耳其葉臭

唯筍及蒲

筍竹萌也皆四月生唯巴竹筍八月九月生始出地長數寸鬻以苦酒鼓汁

浸之可以就酒及食

投我以木瓜毛王本無此條丁本康要術注引補

楸葉似柰實葉似小瓜黃似著粉者欲噉者截著熟灰中令萎薦淨洗以苦

酒鼓汁蜜之可案酒食密封藏百日乃食之甚美

隰有榆各本無此條據詩緝引補

榆白粉也

毛詩草木鳥獸蟲魚疏卷上畢

將之建康與妹別並寄仲兄吳中

冷雨淒淒夜欲闌  
荒雞破夢太無端  
百年易盡何堪別  
十日相逢竟未歡  
羸帽單車殘驛暗  
孤篷短燭暮潮寒  
只今兩地同羈旅  
莫更歸雲獨自看

答叔肥丈時同為建康之游

征車憶昔同先子  
今日孤兒更此游  
薄宦十年存直道  
寓公三世冠清流  
詩兼騷雅何妨激  
生際兵戈迴獨愁  
歲晚棲遲猶未得  
從公短褐上扁舟

句容晚望寄兄妹

陰陰灌木泣飢鴉  
野燒孤青晚未銷  
三嶺東從句曲合  
百流西向建康荒  
城斜日寒將暝  
壞屋嚴風勁欲搖  
為語故園莫相憶  
疲驢破帽正飄蕭

送研孫歸湘中

陰陰霽色赴遙嵐  
攜手荒城思不堪  
為語離人莫迴首  
亂鴉殘照是江南  
橫笛吹寒斷雁秋  
舊時雲物此淹留  
黃陵暮雨孤帆遠  
楚竹湘煙一望愁

寄井南

西津煙水正微茫萬疊遙山晚更蒼清角無聲寒雁盡江樓一夜月如霜

其二

依依昔夢斷難成雨敏雲搖百感生一點歸帆渺無際寒潮嗚咽下蕪城

除夕寄仲兄

陳迹依依似昔年燈前俯仰重凄然四方漂泊歸無地百里艱難怨各天故國書遲勞遠望空齋酒盡得高眠吳霜莫更催愁鬢一夕離心並可憐

陳三立字伯嚴江西義甯人光緒丙戌進士官吏部主事

石遺室詩話伯嚴承家學又受業於郭筠仙先生之門以少日即古  
文詞名李亦元刑部以爲能爲陳壽范蔚宗之所謂豪得詩數百首  
名流馳譽江漢湖湘一夕聞中更憂患益肆力於五七言歲得詩數  
見其遇有譏集於湖湘一夕聞中更憂患益肆力於五七言歲得詩數  
韓刻有遊廬山作一卷皆韓體也中年論贈座客亦以豪矣君詩少  
紗帽氣某也館閣氣所務求沈博險麗土視金玉塵視羅綺舉其  
木難吉光火洗詐馬固始納石古刺水見骨真宰上訴者乙菴詩如  
乙菴頗有同嗜然詰屈擊牙中時有清言見骨真宰上訴者乙菴詩如  
行色兼悲喜沙頭問僕夫客久諸華髮垂纓老逐行人筋力健壯  
太平時練魄苦不問悲歡同世情華髮垂纓老逐行人筋力健壯  
詭助我張寒色病身更覺天宇華入日黃河髮影催客來策事都  
堂一棺寒雨外自忘數郡仰天今時強臥郵亭數星孤明燈火聚  
對病棧觀心亦自忘數郡仰天今時強臥郵亭數星孤明燈火聚  
支離皮骨殘宵見生親朋自一念收提攜數子臨地絕好日都成  
堂勝地空憐縱歌詠諸峯猶自念收提攜數子臨地絕好日都成  
世尋半壁松篁藏梵籟十年心迹比秋陰固麗矣而何處合成愁  
二客親嘗論夢窗詞檀欒金碧娟娜蓬萊固麗矣而何處合成愁  
本色語時苦熱前月蝕雨各詩急持以去蓋此數首頗殊形詭見也  
所錄大早苦熱前月蝕雨各詩急持以去蓋此數首頗殊形詭見也

同曉徹璧元往觀日本人幻劇

不遠千里  
集  
光枝銷雪鷓烏窠物外閒尋得子過穿市輪蹄聲颯杳壓場冠珮影嵯峨  
儒閱世原同幻歌哭牽腸亦已多自昔世人誇異域暫憑跳舞警蹉跎

寓園春集和伯純

互凍結蓋壤歲始蘊一泄枿根釋雪痕柳眼碎煙縷曠池暉浮浮棧石黝揭  
揭鶴味下汗滓鴉尾擺截嶼負輪展雞柵覆整豁蛇穴園姿頗幽映春事謬  
擿抉鼓鐘應物序賓親滿英烈髡髻各有態殷園枉駟轂燕席環玲瓏青霏  
誘高警推案晒饋豚荐俎掃庖鼈酒行瀉坎浸渴吻孰局鑄屋椽燦燈火縱  
錯鬧談舌控絡大宙內闐闐一蠓蟻張侯俯堂均獨瞰意飄撤袖出攬輿篇  
端緒蠱綴列否運遘殃敗立陸紛齟齬備駕折爾馳交途捧跋蹙蒿莠勝柱  
礎厦構危繫髮矧贅不貨軀歷抵害株檄雷劍久埋獄卞玉繼泣血宴私形  
譟聞枝拒見闕絕自詭面目黎冥擊肺肝熱噫吁是耶非至拂引嗚咽猛虎  
搨井檻孺子撲以煤枳棘下孤鳳光儀蔽頓蠶氛覆所包纏天人互顛蹶子

材實雄鶩睽暘粹唐突川海蓄涵澄嵩華終跨越環混挈樞機精瑩灑蘭雪  
爰止鯨鮪淵倏與萬化滅

人日顧石公廣文飲集龍蟠里至者爲繆筱珊編脩張次珊通參張  
伯純郎中徐積餘俞恪士兩觀察及余凡六人

酒人負我金叵羅一去撇振如奔梭鉢山黯黹龍淵閉林花開謝誰婆娑我  
亦經歲對蕭寂有眼未挂青青蘿坐想鼓篋校章句日拊菜肚窺飯羅獻春  
雪霽暄日麗瞥曙刺束招吟哦先生歸作風光主踴躍佳氣浮縈阿朝命籃  
輿訪古道依郭穿塚隨駕鵝枯木橋頭一笑對嘉客三五聯涪坡各晞鬢髮  
照寒水微拖遠岫明煙螺世變軒騰到夢寐不改苔徑留鴉窠呼觴促坐快  
飲啖餚葢味與齏鹽和繆張才雅據壇坫汗隆亦頗傷軻軻徐侯能釣東海  
水胸次鬱律千蛟鼉郎中靜兀貌若愚別抱哀樂償譏訶城南俞卿最後至  
拇戰再接橫矛戈鰕生祇映寒梅柯斜睨主人醉顏酡少焉一客騁狂謔欲

開殺運持條科江南冗吏久不飽刀鋸其如饕餮何豎儒溺冠有前例可否  
巧命兇雙鬢滿堂歡呼面仰屋安知戶牖頹羲娥題詩人日記軼事散歸隱  
隱聞鳴珂

園居看微雪

初歲仍微雪園亭意颯然高枝嚙鵲語歌石活蟻涎凍壓千街靜愁明萬象  
前飄窗接梅蕊零亂不成妍

次韻季詞齋居即事

千山孕綠待啼鵲雪罽晴光對渺然想像樓臺明小水蔽虧城堞護長煙瓜  
田凍裂閉鍾籟吹飄楊醉仰天自古江南供一擲莫教烏鵲喚朝眠

於破書堆中忽得吾友廖蓀咳廣文重刊詩卷不省何時投寄末附  
近歲之作所未經見驚喜誦之系以小詩

酒榼吟筇散渺茫每從滄海覓湖湘十年相望豹藏霧萬卷叢殘鼠嚼廊觸

手琳瑯驚有異堆胸歲月憶都忘也知老去矜詩格攜照青天涕數行

月夜獨步

萬瓦浮新月孤城落晚鐘行歌有人在微醉帶春慵苔色昏昏見蘿陰窈窕  
重欲呼霄鴈下影我踏從容

飲鑑園玩月

溪園眼邊物衰憊久闕賞開歲踐嘉招夙心一摩盪廊館風玲瓏柯葉煙莽  
蒼脫雪數株梅却立據鼠壤孤樓擠雲隙羣山微可仰寒月作芒屨鬱勃肺  
腑朗一水含笙歌明滅窺雙槳循梯錯賓席燈燭燦帷幌羨哉映春蔬彬雅  
得吾黨轟轟癡虎頭謂石行酒倒甕盎拔幟萬人敵突圍技無兩軍法佐觴  
政醉死敢道枉虬髯昂然來陶正林堅壁拒倔強撼之不為動坐大蠻夷長  
四面環楚歌崩散各拊掌獨留照欄干戀此夜氣養歛翮棲鳥閑吹沫游鱗  
上睨彼濠堂空天外割奇想



上元日雪中劉龍慧梁公約相過

癡雲抹漆暮鴉橫爆竹千街雪裏聲  
二子從容踏高履一春消息在初醒  
池祗領荒寒味文字猶爲賈豎輕  
歌舞昇平吾老矣令辰賸有濁醪傾

董卿見訪云今歲可擺落事役重理吟詠調以此詩

喧世功名刺萬眸有人垂手聽橫流  
幾幾來自百億底疑疑曾爲一歲謀  
鷹疲能脫鞅軼風懷例合貯窮愁  
更煩吟徧秦淮柳雷轉飢腸數白頭

江行抵通州港岸

江暖孤舟下燈初萬念驕回風穿海入  
移渡觸天搖性命完聚舍光陰秀麥  
苗亭泉紛在眼吹雨冷瀟瀟

正月二十二日通州南郊外會送肯堂葬

重來城郊更尋誰海氣荒荒接所悲  
原路一棺寒雨外衣冠數郡仰天時  
斯文將喪吾滋懼微命相依世豈知  
惟待千年華表鶴河山滿目讀殘碑

馬亦貓所化者或貓與狐狸異種同類老則爲妖有由來矣

狐妖

友人趙萼樓農部言伊戚楊君文與趙同邑萊水以世業農故年已弱冠尙  
朴訥如未親世故者惟壹志於耨鋤穰穰仍未議婚一日輟耕晚回路逢一  
女郎睨之而笑楊雖未歷切利天參魔女禪然彼美邈造竟欲目成且治服  
盛妝不類釵荆裙布者楊不覺心動方恨無媒女郎已翩然相將入室歷數  
姓氏云狐而仙者以有夙緣台來就爲夫婦緩結之餘濃香一縷由鼻觀而  
入腦液纒氤氳一二次滿腹精神如已洩盡茶然四體不能自支然此女丰  
姿之美語言之雋對之令人意消凡楊所思物雖時異地殊無不立致楊嗜  
鼻婢狐贈給烟壺二非玉非翠其寶爲一時所無一日楊偕往遊禪宇孤立  
衆女中如天上碧桃月中丹桂豔絕人寰數年緣盡遺五色香羅帕一方從  
此遂不再至楊覩物思人未嘗不涕泣霑襟也後締婚某氏亦里中佳麗然



楊每以爲人之美皆不如狐云

天師苗裔

天師自漢以來玉檢金泥世溥寶籙至本朝順康間仍勅襲封正乙真人食祿同三品婦人孺子無不知有天師者直郡王增祥大城人曾往江西廣信府充天師法官之役後隨僧邸征髮逆有功他日回里言真人無他異惟日所接者無非神明每歲除夕諸神咸朝天師真人沐浴焚香星冠羽幘獨坐斗室烟雲芬馥衆靈雜遝又言真人每一出入皆有宿衛神將隨之世居龍虎山山中有無數壇所瘞盆盎瓦飯大小不一類相傳其中皆貯妖鬼朱符封禁累世不開開云爲厲府有井一內藏鐵牌凡真人族生子孫即將姓名鑄鐵牌中投井以備世襲其爵真人逝世族人應繼襲者鐵牌自浮井面卽以鐵鑄之姓名備甄錄之符券焉又言真人世傳者祖天師指甲一韜以錦囊貯以金合邪魅之難伏雖法官亦窮於術時焚香熏沐將指甲近鏡微灼

默祝所由先代天師卽爲攝召羣靈或降神俘獲聞嘗有服官江右者真人恆以祖天師像一軸見贈紅袍道巾坐倚虎背鬚髮生動懸之云能避百邪然閱徵草堂曾記云天師陪祀遺向余失朝珠借遂戲之曰雷都鬼律令行最疾何不遣取天師爲之鞮然或不欲輕以神怪惑人抑真有法官符籙不能專行歟王法官之言如此姑述舊聞以俟知者

奇疾

兵曹某員外有奇疾平生懼見各種豆每有所往無論爲燕饗爲會食但須設筵餉客者必先詢席間有豆否如有之雖至戚密友召之亦不至或微問之云見之必病友人故欲試之一日折柬招之飲告言無豆羹並腐乳及醃醬之屬待豆而成者亦無之以堅其信某方敢應召比入筵則每器中各撒以綠豆少許某猝見席間絲豆逗然暈絕風痰上擁友知其果見豆卽病也疾命撤去某亦倏然清醒若初未嘗病者天下真有理之所無爲事之所或

有者耶不得未接於耳目遂可以臆度天下事也

還魂

尹秀峰者南皮人耽藝術凡星卜之屬皆所服習尤精於子平不啻以仁心行慧業焉同治戊辰時疫流行死者枕籍一日吐瀉大作恍惚中被二卒牽去心知爲赴朝陽門將往東嶽廟應點期者然途徑大不類且六街三市鬼影憧憧男女衣著亦有不盡陽世所見且斷頭折臂者亦復參錯其間不覺大怖俯仰間已至尹竊窺見殿宇巍然階下列隸卒無算頭角鬚鬢貌甚獷惡並火池劍林之屬皆在焉香案左右然紅燭如臂巨者二中坐王者修髯偉軀傍侍官吏抱簿立王呵問汝是通州尹秀峰否可述三代王問答訖忽拍案曰誤矣呼隸急送還殿下雷諾方欲轉步忽一人似鄰人放侍朱某並男婦數人至王見之怒甚行杖訖速判赴猛火地獄尹悸汗蘇死已三日矣